

محراب

ادبى ، اجتماعى ، فلسفى ، تاريخى ، ادبى مجموعہ در
شيمديك اون بش كونده نشر اولونور

مدرجات :

محمد امين	« مصاحبه »	ترقى اطرافنده برلشه مزى يز	۵۸
عبدالحى هادى	« اجتماعى »	شرقييله و غربجييله	۵۹
يوسف ضيا	« تاريخى »	ابوسفيان ايله هراقليوسك ملاقاتى	۶۰
دوقنور قدرى راسد	« طبى »	چوجغه محبت وعائله يوواسنده رفاه	۶۱
مدرسى هودت	« كلامى »	توضيح متشابهات	۶۲
يوسف ضيا	« فلسفى »	شهاب الدين مقتول شهروردى	۶۳
محمد شرف	« جغرافى »	بروسه شهرى	۶۴
نجيب فاضل	« منظومه »	صوك اقشام	۶۵
احمد قدسى	« منظومه »	***	۶۶
فخرالدين عثمانه	« منظومه »	غروبدين دوغان حسلر	۶۷
ملمى ضيا	« منظومه »	كلام	۶۸

آوردلر مجموعله

لېکن ارککلر النده تدویر ایدیلن بو مواد قانونیه یی ارککلرک کندی لهلزنده تدویره اوغراشماقلرینی بز نه قدر ادعا ایتسهک قادینی ینه اقناع ایدمه زه . ظن ایدرسم تمدد زوجات حق و قولایجه تطلیق حق باقی قالدجه . وهرهانیکی بر قادینک تطلیق ایدلدیکی ویا اوزرینه بر اورناق کلدیکی حکایه سنی دیگر برشهرده کی قادین حکایه اوله رق ایشیده بیلدجه قادین بو قناعتنده ، بو عدم اعتمادنده و بناء علیه یووانک رفاه مادیسنه و کندی یاوروسنه قسماً دشمن کی باققده دوام ایدمک و برچوق عالمه لرك فلا کتلیرینه شاهد اولان وصاحب محاکمه واذعان انسانلرده قادینده عنغوی اولارق یرلشمش اولان بو حالت روحیه یی حقلى بولمقده دوام ایدمک چکلر در .

مدرس دوتتور

قدری راشد

توضیح متشابهات

آیات واحادیث متشابهه عالمده ، نافذ و صمیمی بر نظرله جولان ایدمک اولورسه ق معانی متشابهه و اوکا دلالت ایدن الفاظی ، شبهه سز ، بر قاج قسمه منقسم بولا جفر .

برنجی قسم

جناب حقل ، علمنی کندینه آیردینی و باشقه سنی اطرافنده طولاشدیرمدینی بر طاقم احوال اخرویه یی ناطق اولان آیات قرآنیه درکه شو معناجه متشابهاتک قرآنده ورودی بر امر ضروری در . دینک ارکان مثبتیه سی مقاصد رضیه سی جمله سندن بریده نصب ایله مأمور اولان انسانلره قارشو احوال عالم آخرته دائر بیسانانده بولونمقدر . بناء علیه بوکی متشابهاتک قرآنده ورودینه بشقه بر سبب و حکمت تحریرسند اختیاری کلفته لزوم یوقدر . چونکه بونلرله اصل وظیفه تبلیغ ایفا ایدلمش بولنور . بوکی متشابهاتدرکه آنلرک تأویل حقیقی سنی اللهمن باشقه راسخ و غیر راسخ هیچ بر فرد آفریده نک بیله مه یه . جکنده خلف و سلف متفقد لر . اوت راسخینک خطه علمی نه قدر کنیش اولسه همه حال حس و عقلک حکمی دائر سندن دیشاری حیقمازلر . آنک ایچوندرکه بیانات الهیه نک حس و عقل خارجنده دوران ایتدیکنی کورونجه در حال او میدانده کندیلری ایچون جولانکاه بولونمادیغنی اعترافاً «آمنابه کل من عند ربنا» دییه زک سمیت

تسلیم و تقویضه قوشارلر . شو حالده لفظ جلال اوزرینه وقفك لزومنده شبهه و مخالفت یوقدر . یالکمز شوراجقده موجب استیضاح بر نقطه قالیر (کل من عند ربنا) ایله تسلیمیت خصوصنده بوتون مسلمانلرک مشترک بولونلری لزومی درکار ایکن راسخینک بو خصوصده کی امتیازلری نه دن ایلری کلیور . آکاده جواباً دیرزکه اوت حس و عقللرینک زریه قدر اوزانه بیلجکی وزه دن دونک لازم کله جکفی بیلنلر آنجق راسخون در . آنلر دن باشقه لری بونی بیلهمه دکاردن حس و عضو خارجنده ده آت اوینا تمغه قالدیشوب دوشمه لری وارد خاطر در .

لکن راسخون بویله می یا - آنلر مدرکات حسیه و عقلیه یی فرق و تمیز و ماورای حس طانید قلرندن ایلری کیتمز لر سقوط ته لکه - سندن وارسته قالیرلر . مثلاً جنت جهنم ثواب و عقاب بونلرک کیفیتی تنعیم و تعذیبک شکل اخرویی و درجه سی حشر و نشرک و زمان سلک ایجاد و اعدام کی حس و عقلک بارینه میه جفی و اوزانامیه جفی نقطه لره کلنجه معترف عجز اولمقده کچیکمز لر . عوامک بولوندیغی ته لکه دن یاقه یی قورتارلرلر ده بوندن بیوک امتیازی آراسک ؟

ایکنجی قسم

احوال آخرته منحصر اولمایوب اللہک و انبیانک کندیلریله اتصاف اتمیه جکنه عقل و سمعک شهادت ایله دیکی بعض صفاتک جناب حق و انبیایه اثباته دال اولان آیات جلیله در . مثلاً : و کلمته القها الی مریم یدالله فوق ایدیهم کی آیات بوکی متشابهات جمله سندن در . ساف و خلقلرک جولانکاه منازعه سی اولان متشابهات ایسته بونلر و امثالی متشابهلر در . متشابهاتک معانیسی بشقه سی بیلمز فکرینه ذاهب اولانلر - قول تسلیملره راسخینه تخصیصنده دیرلرکه اونلر راسخین محکم ایله متشابه آرمه سی تمیزه مقتدر اولدقلرندن محکمدن احاله فکره متشابهده تقویضه شتابان اولورلر . لکن اونلرک ادراک تمیزینه هم آهنگ اوله مایانلر محکم ایله متشابهی برینه قانارلر متشابهده احاله فکره قالدیشمالری احتمالی درکار اولمغله حصر سابقک وجهی پک آشکاردر . متشابهاتک معانیسی راسخین بیلر فکرینه قائل اولانلر تخصیص مذبور : رسوخ علمیه سی اولیانلرک راسخینی تقلیداً وادی تأویله دالمالرینی منع و زجر حکمتیه مبتنی در دیرلر . متشابهاتک شو قسمی - عالم غیه خاص اولمایان نقطه لرده بولندیغی کی کندیلرینک قرآنده ورودی اوزرینه -

ملاحظه طرفدن یوقاریده درمیان اولنان اعتراضلر وارد اولور. جوابلری ایچون « فوائده متشابهات بحثنه مراجعت کافتنه قاتلانق لازمدر .

اوچنجی قسم

برطاقم متشابهاتدرکه اونلرک معرفت حقیقتنه آنجیق راسخینک بعضیسی واصل و نائل اولایلیر، کافه سی دکل . عباده ابن عباسک مظهر اولدینی - اللهم فقه فی الدین و علمه التأویل - دعای پیغمبرسی بوکی متشابهاته وصولک بعض راسخین ایچون ممکن اولدیغنی کوسترر . شمدی بو اقسام کرکی کی تظاهر ایدنجه و ذهنارده آدم عقللی یرلشنجه لفظ جلال اوزرند . هم وقف همده عطفک جائز اولدیغنه شبه اولمادیغنی کی سلف و خلف آراسنده کی منازعهده برطرف اولور ظنتمدیز .

*
* *

طریق سلف سلامتی مستلزم جدال و خصومه منافی اولدینی کی امتک و ملتک خیریلیری نک وجدانلری کی زمانلری ده زمان تسلیم و مخالفت اولمغله مسلک سلفک اووقته کوره یوروتلمسی حیز امکان و سهولتده ایدی .

ایشته غزالی مرحومک کندینه مخصوص بر اسلوب بلیغله ترجیح و انتخاب و عمومیه توصیهده شتاب ایلدیکی شو مسلک سلف قوجه غرایلنک منهای کالاتی اولماسی لازم کن اواخر حالته دوغری سانح اولمش برمسلك ثانویسیدر .

یوقسه غزالی اوائل احوالده متأخرین طرفدن بولوندیغنی ، بحث و مناظره نک طرفدار جاذبه داری اولدینی پک قیمتدار آتاریله ثابتدرکه کافه سی مرحومک اوائل احوالی وکنجلك قوتنک حجرات دماغیه سنده اریاندیردیغنی اشتعال تأثیراتیه زنار بصیرتندن فیرلامش شراره لرک محصولیدر .

مسلک سلفی التزام و توصیهده ثبات و اوخصوصده ایلری وارانلرک ، خلا فکیرانه غایت عالمانه ، واقفانه ضربه لر ایندیرنلرک قهرمان یکانه سی « شیخ الاسلام » ابن تیمیه در . مشارالیهک هان هر علمده مسلم اولان طول باعنه انضمام ایدن حفظ شریعت و حمایه نوامیس دیاننده کی شدت وحدتی کندینی بتون اشاعره یه قارشیی بی پروا اعلان حربیه قدر سوق ایلش و غزالی ، فخر رازی ، ابوبکر باقلانی و سائر کی نیجه نیجه اعاطمه و صوفیه نک هان هان آلاینه بردن ، باخصیوص محی الدین ، ابن فارض ، ابن سبعین

